

Inzko se sastao sa Žbogarom: Bosanskohercegovački lideri moraju preusmjeriti pažnju na pitanja evropskih integracija

Visoki predstavnik i specijalni predstavnik EU sinoć se u Sarajevu sastao sa ministrom vanjskih poslova Republike Slovenije Samuelom Žbogarom.

Visoki predstavnik i EUSR je informirao ministra vanjskih poslova Žbogara o napretku koji je Bosna i Hercegovina ostvarila na putu evroatlantskih integracija, o ispunjavanju uslova za zatvaranje OHR-a i tranziciji ka misiji predvođenoj Evropskom unijom, kao i o sveukupnim naporima koji se trenutno poduzimaju kako bi Bosna i Hercegovina postala efikasnija država.

Zabrinut zbog trogodišnjeg političkog zastoja koji je ugrozio provođenje ključnih reformi i rezultirao zahlađenjem odnosa između lidera koalicije na vlasti, visoki predstavnik i EUSR Inzko i ministar vanjskih poslova Žbogar su se složili da će EU i međunarodna zajednica nastaviti s radom kako bi Bosna i Hercegovina prerasla u stabilnu i održivu demokratsku zemlju na putu ka integraciji u Evropsku uniju.

Ministar vanjskih poslova Žbogar je podvukao da je BiH važan partner za Sloveniju: «Naša zajednička prošlost, lične veze i trgovina znače da imamo poseban interes da osiguramo da Bosna i Hercegovina postigne napredak ka EU», rekao je Žbogar. «Brine nas što prečesto vidamo da se trgovina i ekonomija potiskuju u drugi plan.»

Visoki predstavnik i specijalni predstavnik EU Valentin Inzko je rekao: «Naš cilj je da normaliziramo status ove zemlje kako bi ona nastavila svojim putem ka punoj integraciji u evropske i evroatlantske institucije kao suverena i stabilna demokratska zemlja. Bosanskohercegovački političari moraju preuzeti odgovornost za budućnost njihove zemlje», zaključio je Inzko.